



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE TEŠANJ**

Broj: 01-49-2-438-3/17

Datum: 19.04.2017. godine

PRIJEDLOG

Na osnovu Zaključka broj 01-49-2-438-2/17 od 03.03.2017. godine („Službeni glasnik Općine Tešanj“ broj 3/12) i člana 14. Statuta Općine Tešanj („Službeni glasnik Općine Tešanj“ broj 11/07) Općinsko vijeće Tešanj na svojoj 7. sjednici, održanoj dana _____ .2017. godine, donijelo je

RJEŠENJE

o imenovanju Razvojnog tima za izradu Strategije razvoja
općine Tešanj za period 2018 - 2022

I

Imenuje se Radni tim za izradu jedinstvenog razvojnog strateškog dokumenta općine Tešanj u sljedećem sastavu:

1. Fuad Šišić, vođa tima,
2. Senad Subašić, predsjedavajući OV-a
3. Selma Bradarić-Ireiz (vođa sektora ekonomija)
4. Mirza Kotorić (vođa sektora mladi)
5. Adnan Lihić (vođa sektora životna sredina)
6. Almina Alagić (vođa društvenog sektora)
7. Nadir Medarić, Pomoćnik općinskog načelnika
8. Hamzalija Hojkurić, Pomoćnik općinskog načelnika
9. Sabrija Kavazović, socijalna zaštita
10. Saliha Kotorić, zdravstvo
11. Berina Merdić, obrazovanje
12. Edin Jabandžić, Udruženje privrednika,
13. Muhamed Džihić, poljoprivreda
14. Besim Sejdić, Sportski savez/NVO
15. Mirsad Šaranović, direktor RAD
16. Asim Bašalić, direktor Toplana

II

Razvojni tim (RT) predstavlja operativno, i koordinaciono tijelo zaduženo za vođenje procesa strateškog planiranja na nivou općine Tešanj, te predstavlja vezu sa ostalim sudionicima u procesu. Članovi Razvojnog tima će takođe biti i dio sektorskih grupa.

III

Zadatak Razvojnog tima je da izradi nacrt Strategije razvoja općine Tešanj za period 2018 - 2022 na temelju aktuelnih dokumenata: Strategije razvoja općine Tešanj 2013 – 2018, Strategije razvoja socijalne zaštite općine Tešanj za period 2012-2017. godina, te drugih razvojnih dokumenata općine Tešanj, ZDK i FBiH kao i budućih potreba općine Tešanj.

IV

U okviru procesa izrade integrisane strategije razvoja, Razvojni tim ima sljedeće zadatke:

- Identificiranje i uključivanje lokalnih aktera, analiza stanja i definisanje strateške platforme;
- Koordiniranje rada sektorskih radnih grupa pri izradi sektorskih razvojnih planova;
- Izrada plana Implementacije razvojne strategije;

- Izrada indikativnih sektorskih finansijskih planova i generalnog finansijskog plana;
 - Izrada plana razvoja organizacionih kapaciteta i ljudskih potencijala za implementaciju Strategije
- Prilikom rada na nacrtu nove Strategije razvoja radni tim će rukovoditi Metodologijom za integrirano planiranje lokalnog razvoja u BiH (miPRO metodologija).

V

Razvojni tim će raditi uz konsultacije i podršku Općinskog načelnika, pomoćnika Općinskog načelnika, te tehničku i administrativnu podršku organa uprave imenovanjem tehničkog sekretara Razvojnog tima. Općinski načelnik će shodno Zakonu o principima lokalne samouprave (čl. 15) imenovati dodatne sektorske timove i druga tijela potrebna za podršku cijelom procesu strateškog planiranja, te u slučaju potrebe donositi izmjene i dopune Razvojnog tima.

Sredstva potrebna po ovom rješenju će se osigurati u Budžetu Općine Tešanj, po ocjeni i rješenju Općinskog načelnika.

VI

Rok za izradu nacрта ovog dokumenta i dostavljanje na razmatranje Općinskom vijeću je 15.09.2017. godine.

DOSTAVLJENO:

1. Imenovanim,
2. Služba za društvene djelatnosti, komunalne poslove i ekologiju,
3. Općinsko vijeće,
4. a/a

PREDSJEDAVALJUĆI VIJEĆA

Senad Subašić

OBRAZLOŽENJE

Općina Tešanj je 2013 godine usvojila Strategiju razvoja koje je još uvijek na snazi. Informacijom o realizaciji Strategije razvoja, koju je Općinsko vijeće razmatralo u februaru 2017. godine predstavljen je trenutni nivo implementacije strategije i različiti aspekti implementacije: vrijeme, novac, ispunjenost indikatora. Osim potrebe da se preispitaju određeni elementi postavljene Strategije, u međuvremenu pred lokalnu zajednicu su se ispostavili i neki novi izazovi, poput novih informacija obezbijedenih kroz popis, prisutnih trendova migracije iz BiH, novih izazova razvoja općine Tešanj.

Stoga je Općinsko Vijeće Tešanj svojim zaključcima potvrdilo opredijeljenost da se u 2017 godini pristupi izradi novog Strateškog plana, uvažavajući postojeće strateške dokumente (postavljene planove i ciljeve), te sagledavajući nove izazove.

Općinskom vijeću Tešanj predlaže se imenovanje radnog tima koji će raditi na izradi novog dokumenta. Prijedlog je da Općinsko vijeće imenuje osnovni tim, a po sektorima ekonomija, ekologija, društveni razvoj i mladi će biti imenovani širi timovi koji će uključiti veći broj sudionika.

**PREDLAGAČ
OPĆINSKI NAČELNIK**

Mr. sci. Suad Huskić